

LABRO LEPORINO.

THESES

ANATOMICO - CHIRURGICÆ.

Quas, DEO JUVANTE & Præsîde M. JOANNE-BAPTISTA - GUILLELMO FERRAND, Facultatis Artium & Chirurgiæ Magistro, Clarissimi viri, M. Georgii de la Faye, Professoris Regii, Vicario & Successore à Rege designato, Regiæ Chirurgiæ Academiæ Consiliario, antiquo Anatomæ & Chirurgiæ in Scholâ practicâ Professore, Regiæ Scientiarum, Humaniorum Litterarum & Artium Academiæ Rhodomenensis Socio, nec non Imperialis Apathistarum Academiæ Florentinæ Socio extraneo, *tueri conabitur*, JOSEPHUS VIANY, Vincensis, Præclaræ Artium Facultatis Magister in Universitate Parisiensi.

P A R I S I I S,

IN REGIIS CHIRURGORUM SCHOLIS,

Die Sabbati 17â. Augusti, à sesqui-Secundâ post meridiem ad septimam
A. R. S. H. 1771.

P R O A C T U P U B L I C O

E T

M A G I S T E R I I L A U R E A.




Typis P. AL. LE PRIEUR, Regii Chirurg. Collegii
Typographi.

M. DCC. LXXI.

B





CELSISSIMO, POTENTISSIMO,
ILLUSTRISSIMOQUE VIRO,
D.D. EMERICO FRANCISCO DE DURFORT,
MARCHIONI DE CIVRAC, COMITI DE BLAIGNAC, BARONI DE LA LANDE,
CASTRORUM REGIS EXERCITUUM PRÆFECTO, &c. &c. &c.

Has theses in perpetuum reverentiæ monumentum sacras voluit, JOSEPHUS
VIANY, artium Magister in Universitate Pariensi.



D E
LABRO LEPORINO.
THESES
ANATOMICO-CHIRURGICÆ.

I.

VULTUS in culmine ædificii mortalis locatus, concinnâ & sublimi structurâ conspicuus, in quo supremi numinis sigillum elegantissimè appositum, stupentes miramur, almæ rerum parentis naturæ, miraculum arguit. Verùm enim verò, quàm amico fœdere sociantur, ardua frontis dignitas, genarum dulce decus, verecunda oris venustas, oculorum blandè minacium flagrantia! Quàm benè conveniunt,

vultu animæ theatro sedentes, majestas & amor! Labra roseo colore nitentia, ad oris ornamentum, ad blandam faciei venustatem, lepores ac elegantiam, purpureo splendore conferunt; vario musculorum motu, varia animi pathemata nervosè exprimunt; ad manducandum, bibendum, sugendum, loquendum, miram præstant opem. Sed eheu! atrâ malorum serie, nunc inhonestè deturpantur, nunc indecorè dilacerantur. Luctuosum istius veritatis testimonium, à *Labro Leporino*, quod præmissâ brevi labiorum anatome, scopus est & intentio Theseos, mutuamur.

I I.

Duo Labra seu labia, oris hiatum constituentia, musculis licet potissimùm corporata, non solùm spongioso atque molliusculo textu, non solùm extùs tegumentis communibus, intùs verò membranâ oris communi, sub quâ glandulæ miliares, sed & copiosissimis vasorum ac nervorum propaginibus, conflari videntur. Superius Labrum sub septo nasi, inferius ad radices dentium incisorum, peculiari quodam freno intermedio gaudent, quod *frenulum* vocant.

VARIUS est juxta varios auctores, musculorum numerus. *Heisterum* si audias, quatuordecim musculis donantur. Labra *orbicularis* constringit, cujus fibræ quasi arciformes; abducunt *zygomaticus* & *buccinator*, *risores* dicti; labra elevat, vel communes duo *canini*, vel proprii, *incisivorum* par; deprimunt tandem, *triangulares* & *quadratus*. Alii longè plures describunt. Ad labrorum musculos, *pyramidales* nasi & *platysmamyôides* meritò referendi videntur. Horum-ce musculorum historiam, vivâ voce enucleare, conabimur,

UTRUMQUE labium alluentes arteriæ, coronariæ dictæ, ab externâ carotide procedunt; in jugularem externam, venæ sese exonerant.

A maxillari tum superiori; tum inferiori, quinimò à durâ septimi paris portione, nervos provenire, in confesso est apud omnes. Hinc mira labrorum sensibilitas.

III.

LABRUM superius præsertim, vel à pravâ in utero materno conformatione, vel à causis externis, ictibus v. g. vulneribus neglectis, ita finditur quandòque ac decurtatur, ut Labrum Leporinum, satis manifestè referat. Istud vitium, pro majori minori-ve hiatu, pro majori minori-ve mutilatione, nunc gravius est, nunc mitius. Quandò duplex in uno eodemque labro observatur fissura, tunc & duplex Labrum Leporinum. Sæpè palatum ex parte finditur, aut ad nares & uvulam usque fissura extenditur, undè Labrum Leporinum simplex est, aut complicatum.

SI partes fissæ nimium dehiscant, major, imò maxima occurrit difficultas. Attamen experienciâ freti, hanc deformitatem, medicâ manu, potenti benèficæ artis auxilio, tollere non dubitamus.

APUD parvulos, qui vix risu matrem cognoscunt, propter vagitus & ejulatus perpetuos, nil tentandum. Apud seniores, cachecticos, vix proficeret Chirurgia.

LICET futura intorta, Labro Leporino à veteribus dicata, suos jactitet prosperos eventus, aptæ deligationi, vel agglutinationi tribuendos, hanc inutilem, infidam, noxiam & idcirco reprobendam, censemus.

ANTEQUAM ad operationem Chirurgus sese accingat , ritè perpendendum , 1^o. an simplex sit , aut duplex Labrum Leporinum , 2^o. an magnus sit hiatus , 3^o. an tumor adsit , dens prominens , naris ozæna , &c. 4^o. tandem , an aliquâ lue contraminetur purpureus latex.

OMNIBUS æquâ lance trutinatis , nocivis , si quæ sint , remotis , deformes oras , scalpro , non forficibus , chartâ duplici gingivam inter & labrum interpositâ , æquali tractu solerter abscindat Chirurgus , fiat vulnus , cujus oras cruentas adducat Chirurgi adjutor ; deindè incarnanti fasciatione , cujus descriptionem vivâ voce explanabimus , absolvenda curatio.

APPARATUS postridiè , sequentibusque diebus eluatur , & aquâ vulnerariâ leviter irrigetur ; solidorum eduliorum abstinentiam , silentium ac quietem , Chirurgus imperet. Quinto sexto-ve die , modestâ manu , deligatio solvatur.

TUTISSIMA ac lenissimâ hac methodo (*) , nullus hæmorrhagiæ metus , brevi coalescunt vulneris oræ , brevi , quod est scopus & intentio artis , tollitur deformitas , nec fœda remanet cicatrix.

(*) Præstantis hujusce methodi , solerter à se ipso adhibitæ , prosperos eventus pluriè observavit M. *Louis* , hancque in peculiari de *Labris Leporinis* dissertatione Academicâ , Publici Juris fecit vir Clarissimus.

Mulierem viginti annos natam , labro leporino ab ortu afflictam , hac arte , intra paucos dies , feliciter curavit , hujusce actûs præses ,

FINIS.